

يمدح سلم

غير عند الغنا فاش يتگناو الناس

الا الله لا الله الا الله
انتي يا الحنة ماغلاك عليا
ونديرك فايدي ونمد ايديا

ونتي يا المرأة العربية
مدي ليا يديك نعطيك ايديا
مدي ليا يديك نعطيك ايديا

جيت من الصحرا
جيت من الصحرا

جبت التنمية
بيد الحنة ذي تقليدية
بيد الحنة ذي تقليدية

گولو لشباب يخلوها وصية
المحنة يا الحباب قره عينيا
المحنة يا الحباب قره عينيا

يد الحنة

يد فيد، نبنيو مغرب الغد،

سمي سمي خويا العزيز نوض تنمي،
بلادتي وبلادك عهد الحنة بيه نغني،
شكون غال راه حنا معطلين موخرين،
الارض مفرشة و حنايا اليوما سايرين،
نقي ضميرك، وعي نفسك، او نوض تعب،
مافيها باس نقيو الضمير كاملين،
كلشي غايدير ايديه ليوم تتنما لبلاد،
من بعد ما نغلسو ايدينا بالحنة كاملين،
بغيت بلادتي تزيد لگدام ويطلع النور،
باش نتها عليكم و يكون كلشي مبشور،

*

يد الحنة غادي تكون عاهد كل مغربي
صاين النفس وقلبو حار ياك اسيدي

*

عيالات واشمات حرات زغاريد عالي،
رجال شباب أطفال ليوما كلشي ناوي،

بلادتي تزيد لقدام الامية تزال،
كلشي قاري وكلشي واعى فكلامنا شلة مثال،

بيد الحنة نحيدو الراشي والغاشي،
اوبيد الحنة نحيدو العاظم والعاصي،
اوبيد الحنة نحيدو الظالم ونعاونو المظلوم،
او عهد الحنة غادي يبان بيه المضمون،

الشيوخ هزو يديكم دعيو معانا،
النساء ربيو ولادنا يمشيو معانا،
الشباب غسلو بالحنة كلشي معانا اه،
ايديا فيديكم ملكنا حاميكم،

باين حقي فيلادي باين بيد الحنة
دايم عزتي فيلادي دايم بيد الحنة
عاهدتي ونعاهدك يا مغربي بيد الحنة
بالنية نساها في التنمية بيد الحنة

كلمة أحسن من جوج،
بكلمة وحدة بدبت كلامي،
التنمية حلم من احلامي،
بيها حن فيا نحن فيك نديرو طريق وسط هاد الزحام،
كبير وصغير كلشي يخدم نزيديو جميع خطوة لگدام،
كلشي يهز معانا الهم، باش الخير علينا يعم،
قطرة بقطرة يحمل الواد غير خدم غير زيد زعم،
خويا المغربي ليك هاد لكلام،
بيد الحنة علي معايا هاد لعلام،

بالحنة والمحنة نخرجو جميع من هاد المحنة،
كلشي يصفى من عندو نعيشو فبلادنا الهنا،
كلامي لداك الي ناسي قيمة هاد البلاد،
بيد الحنة نوض جمع معايا العتاد،

*

بها راية البلاد راها عالية فالسماء
بها تشوف الخير بها تشوف الناس مبسمة

*

نوضو حاربوا الفساد ، حاربو الجهل يا لولاد،
يولي منا مهندس يولي منا استاذ،
نوضو وقفو العماد ولخيمتنا نكونو وتاد،
عمر بحالنا ماكان ولا عمر بحالنا يكون،
عولنا على الشقا باش لخير لولادنا يدوم،
بيد الحنة نفوتو المحنة و الي داز على الراس يهون،
قبل كانت المسيرة بها ردينا الصحراء،
اليوم التنمية نردو بها الصحراء خضراء،
نديروا يدفيد باركا علينا من الهضرة،

باين حقي فبلادي باين بيد الحنة
دايم عزري فبلادي دايم بيد الحنة
عاهدني ونعاهدك يامغربي بيد الحنة
بالنية نساھمو في التنمية بيد الحنة

وخا ينسى بنادم ما يسمع،
وخا ينسى الفنان ما بيدع،
بيد الحنة وبدم مغربي هاني،
بلادي من نساك او عايش فمحاني،
وخا ينسى الدرري ما يرضع،
وخا تنسى العين ما تدمع،
من نساك اخويا و ما تنساني،
فناير ديما معاك او كون هاني،

باين حقي فبلادي باين بيد الحنة
دايم عزري فبلادي دايم بيد الحنة
عاهدني ونعاهدك يامغربي بيد الحنة
بالنية نساھمو في التنمية بيد الحنة

جامع الفناء

ها واحد السلام عليكم من مدينة البهجة،
واحد من الفناير كلامو ربح من الحلقة جا،
خود منو لي ينفحك واستفد من الفرجة،
ماشى جيب يالسان اوقول،
بميزان الذهب عبر الكلام،
الفن عندنا نابت سيول،
لولاد البلاد من عندي سلام،
هنا جامع الفناء=====خوذ الكلام وذوق معانا
وادها هرهوري ومساوي=====بنغمة او دندانة
فن الحلقة زين=====استافد او كون رزين
فيها قريبت سنين=====اللي بعقلو وصل فين اوفين
فنانا وشعاراء وكتاب جاو دقو الباب،
خادو المعنى شربو من الواد ويقاو حباب،
و الغافل عمر كرشو و خلا عقلو فالسحاب،
قابل غير الهضرة والزهو وتقريب الناب،
جامع الفنا عندي هي كيف كتاب،
نقرى بين السطور يوضح كاع لى صعاب،
بيد الحنة دقيت يلاه حلو الباب،

جامع الفناء جامع الفنون
عليك انا نترجى
والمشطون فيك ايكون
او الفاهم ما يعطى
سبحان الله
مولانا
على الله
والغني ربي

انا حلاقي معاكم، هزو سوارت الريح،
من مراكش حكام كلشي غاي يربح ،
درتي حتى عييتي، او فينا تفرجتي،
نسييتي حس المعنى وشطحتي، لعبتي، ونشطتي،
من مراكش نهلل، كلشي من عندي تعلم،
انا رمز مراكش والرمز ما يتهان،
القصايد والغنة فالحلقة غير تهني،
بالطر والدبوكة، النغمة مسبوكة،
عيساوي وگناوي فنهم كلشي غاوي،
مول القرودا هنا، وضريب الفال العزاوي،
كلشي غادي جاي هاه، كلشي ضاحك ناشط هاه،،
كلشي حاضر ناضر،، والمباقي عقلو مغادر،،
نساو شهاوي و جاوي العطور وعشوب الصحراوي،
نساو الحنة او ميكو فين غادي زربان ساوي،
اوقف سمع المضمون باقي شلة فنون،
هادي جامع الافادة والوجه الفرخان يدوم،

جامع الفناء جامع الفنون
عليك انا نترجى
والمشطون فيك ايكون
او الفاهم ما يعطى
سبحان الله
مولانا
على الله
والغني ربي

جامع الفنا ياو باب من التنمية
منو دخلت اودرت النية

او كاع الناس معنية / معنية / معنية
سمعت وذني او شافت عنينا
المعني فالفتوح يا وسمع لييا
انا جامع الفناء والحلايقيا لحلايقيا

سبحان الله وا الحلايقيا
مولانا وا الحلايقيا
على الله وا الحلايقيا
والغني ربي وا الحلايقيا

سبحان الله جامع الفناء جامع الفنون
مولانا عليك انا نترجى
على الله والمشطون فيك اكون
والغني ربي او الفاهم ما يعطى

وا الحلايقيا
وا الحلايقيا
وا الحلايقيا
وا الحلايقيا

صاح الراوي

الله - صاح الراوي
الله - بلسانك ولساني
الله - او دندن فوداني
الله - باغي نشوف خويا هاني
الله - او يد الحنة تلقاني
الله - بلادي تضوي قودامي
الله - ولا اله الا الله

* صاح الراوي بكلام الحق او قال كلمة، بيد الحنة فالتمية بانتم الهمة،
كل دار لي عليه وانتيا اش درتي كلامي ليك يا الراجل قولي اش بنيتي،
كل دار لي عليه وانتيا اش درتي كلامي ليك يا المرأة قولي ليا فين وصلتني،
اش من مجهود درتي واش بيد الحنة نقشتني،
واش ولادك جمعتي، وعلى المعقول كلشي وصيتي .
* هاك هاك سمع وسمع من عندي دبا، يد الحنة خدمة قبل ما تكون كتابة،
نديرو اليد فاليد ونكونوا بنادم واحد، هذا خدم هذا اقدم كلشي غايتحد،
كيف ما كان الحال الراوي صاح دبا، نوضوا كاملين نعيدوا ديك السحابة،
هاي زيح علي دوك الغياير، كد وجد صبر خويا زيد تابـر .

الله - صاح الراوي
الله - بلسانك ولساني
الله - او دندن فوداني
الله - باغي نشوف خويا هاني
الله - او يد الحنة تلقاني
الله - بلادي تضوي قودامي
الله - ولا اله الا الله

* رجل كنتي ولامرأة شمر على الكتاف
يد الحنة صغير ولا كبير كثروا الهتاف
كاع الطيور تبرا الحجره تولي شجرة، نزرعوا الزرع والزريعة ونعيدوا الخديعة،
نخدموا البلاد نميو لعباد هاحنا كاينين، قلل سكات وصيح بغوات افكار باينين،
جفات البحيرة على بلادنا كثرات الغيرة،
التمية راه جات باش نميو لبلاد بلا حيرة،
عليكم عولات الوقت تزيديو بها لكدام، باركا حلو عينكم فيقو من لمنام،
نوضوكونو كد الكلمة نوسعو طريقنا، عالمنا زين الى صلحنا نعيشو لهني،
نوض خدم اصاحبي اش كاعد كتسنا،
بان المعنا حلما دار الطريق،
كلشي خدام وانتيا ناعس فتليق،
نوض خدم اصاحبي واش ما بغي تعيق،

الله - صاح الراوي
الله - بلسانك ولساني
الله - او دندن فوداني
الله - باغي نشوف خويا هاني
الله - او يد الحنة تلقاني
الله - بلادي تضوي قودامي
الله - ولا اله الا الله

كلشي شاف فينا شوفة زينة
بشرونا او قالوا راكم سايرين
خرجتو دقة دقة من لغينة
ناسكم سايرين او ماهم حايرين

الله - صاح الراوي
الله - بلسانك ولساني
الله - او دندن فوداني
الله - باغي نشوف خويا هاني
الله - او يد الحنة تلقاني
الله - بلادي تضوي قودامي
الله - ولا اله الا الله

عز الخيل مرابطها

عز الخيل مرابطها ونقولها بلساني
ثقافة بلادي نصونها اونخدمها من تاني
قوموا يمغاربة يالي حرار بثقاقتكم من كل دار

انا كيف الطير يغيب ويرجع لعشو، افرشلو الحرير عمرو ما ينسى قشو،
علاه انا ننسى بلي فبلادي عندي جذور، عروقي شادة فالارض او ثقافتي بيها مبهور،
بلادك هي بلادك زيد نمي ثقافتها،
لغة الفن والعلم زيدو نعليو رايتها،
خويا كلامي ليك عز الخيل مرابطها،
فنانا غناو ولي ماتو راه نسينا،
وشحال من كاتب كتب وكتابو ماقرينا،
ماقرينا ما وعيينا او ثقافة بلادنا نسينا،
نرجعو للاصل ونديرو شان وهمة،
باقي الحال ثقافتنا غادي تزيد تنمي،

عز الخيل مرابطها ونقولها بلساني
ثقافة بلادي نصونها اونخدمها من تاني
قوموا يمغاربة يالي حرار بثقاقتكم من كل دار

عمارت العقل الثقافة، نورها طفينا،
ماشي كلنا، لقليل لي منا او فينا،
دور موراك خطوة لور، بحث فبحور،
كنز ناس خلات وشحال خزانات ليينا،
الشعر والمسرح الغناء، طلقنا يدينا،
قلنا علاش ارخينا اداونا رجلينا،
طوبا فوق طوبا أمل كبير كلو علينا،
متساوش، خوتي حبابي كلو علينا،
يا الناس يا الأحرار نخرجو كاملين من الغار نحلو دار بدار،
نعلمو كبار وصغار هاد الشي محتاج شعب يكون كلو حار،
يلاه نوضو، مغربي معاك اليوم هدر،

عز الخيل مرابطها ونقولها بلساني
ثقافة بلادي نصونها اونخدمها من تاني
قوموا يمغاربة يالي حرار بثقاقتكم من كل دار

عندنا أصل او ثقافة فبلادنا (فبلادنا)
بها علينا رايتنا فوسط بلاد اخرى (بلاد اخرى)
نطلبوا ربي يخايننا فاصباغتنا
ويقدرننا عليها
الله الله الله ،
الله يا مولانا
مولانا الله مولانا
الله الله يا الله
والغني مولانا
سيدي ياربي اعف عليا

هاجين اللغات

طاجين اللغات شاهد علينا، بلسانا خضرناه كيف بغينا،
- سنت تشلحيت؟؟ لا ! - تفهم الدارجة؟؟ أوهو !
- ياو انتا مغربي؟؟ إوا هالي ما بغينا !

الحال تبدل معنا اليوم،

او هو لباس،

لغتنا كتلاشي،

الله يحد لباس اودي

BON OK ATTEND ولا زعما بلاتي

اجي يا وليتي كتخضر باش ما جاب ليك الله

كاينة وتكون، كليت شي معجون،

ديال اللغات الحية، ردوني فين نكون،

رجع اللور راك عريان، عطاك الدارجة وتولي دفيان،

هضر باش بغيتي او كل يلغي بلغاه،

ولكن لغتنا خليها تسير معاه،

بالهيت ولا الراب الغيرة كنغيرو،

جهد ديالي وديالك اناصلو من غيرو،

ما بقات معنى، فطاجينا اشنو نديرو،

ما بقات معنى، فطاجينا اشنو صاير،

حاول تفكر بعيد للدارجة كيف نديرو،

باش تدير بلاصة، ويولي المعنا داير،

طاجين اللغات شاهد علينا، بلسانا خضرناه كيف بغينا،

- سنت تشلحيت؟؟ لا ! - تفهم الدارجة؟؟ أوهو !

- ياو انتا مغربي؟؟ إوا هالي ما بغينا !

كل يلغي بلغاه، هادي ناس تالفة،

بلسان ملوي تهضر، هاكدا ولات موالفة،

لكلام ولي مشكل، من كل لغة كلمة،

لغتنا راها خايفة،

كيفاش؟؟ اييه،

لغتنا راها خايفة،

مزيان تعرف اللغات وتكون واعى،

تقرا تفهم وتولي لراسك راعي،

هادي دارجة باش تحيا انا ساعي،

كون معايا واعى،

كاين لي تيجول بغينا اللغات الحية،

واش Désolé او perhaps هادي هيا،

ولينا نقولو هاي وياي ونسينا،

لقروي وكلام الصح كلام لمدينة،

هادا طاجين اللغات تعدى سبع خضاري،

كل خضرا من بلاد والبلول ولي جاري،

كلامك مشكل باغي تقول لي بلي قاري،

شلع ملح ودرج تعرف اشنو طاري،

طاجين اللغات شاهد علينا، بلسانا خضرناه كيف بغينا،
- سنت تشلحيت؟؟ لا! - تفهم الدارجة؟؟ أوهو!
- ياو اتنا مغربي؟؟ إوا هالي ما بغينا!

واهاوا ماها ولغتك لا تنساها
العيون وكحات البيارقل ماها
شلا كلمة تكالت مافهمت معناها
لغتنا تخلطات والبراني سراها

*

واهاوا ماها ولغتك لا تنساها
العيون وكحات البيارقل ماها
شلا كلمة تكالت مافهمت معناها
لغتنا تخلطات والبراني سراها

طاجين اللغات شاهد علينا، بلسانا خضرناه كيف بغينا،
- سنت تشلحيت؟؟ لا! - تفهم الدارجة؟؟ أوهو!
- ياو اتنا مغربي؟؟ إوا هالي ما بغينا!

لالة منانة

زيد سمع، زيد سمع

كان كان لي كان اوبان حقك شانو عالي، يالي غادا الكدام يالي حافظة كياني،
حقك مضمون هاكي، عمرو ما يهون هاكي، راكي فوق الراس نساي المحاين وساكي،
شحال شهر هزيتي ربيتي حنيتي حبيتي، سالي وسولي على حقك ما تخلي ما تولي،
حقك راهو مضمون، قانون جديد مرسوم، حماك وحما ولدك ودارك وهذا المضمون،
حنا بحال بحال والله خلقنا سواسية، كثري من الحنة والمحنة وشدي فيدية،
راني بلا بيك والوا، هاكو قلبي سالو، يالي انتي امي اختي مراتي دياكم تستهلو .

الالة منانة اجي تكوني بنتي، وندير ليك حمالة من الخوخ والرمانة
الالة منانة اجي تكوني بنتي، والساقية تسقينا والواد ما يدينا
الالة منانة اجي تكوني بنتي، وندير ليك حمالة من الخوخ والرمانة
الالة منانة اجي تكوني بنتي، نايدوا المدونة ونعيشوا جميع في الهني

حمدت الله وشكرتو قانون جديد تزد فبلادي، حق المرأة كاين وحق الرجل ليه مساوي،
فالمدونة كل شي باين وبيها انا راضي، مطبقة عليك وعليها وخا تكون فملك الله قاضي،
المرأة نصي ثاني به نعيش حياتي هاني، علاش تكون محكورة وهي ام اولادي،
حق المرأة كاين فالدين وحنايا عليها غافلين،
المرأة قرات وعات خدمات وبغات حقوقها كاملين،
ماتوفي للمرأة يا الرجل واحد من المليون،
شحال حملات ولادات ورضعات كبرات علماء ونجوم،
بغيتي الحق ليك بوحدك وحق المرأة عندك مهضوم،
فبحر التنمية ماشي غير بوحدك غادي تعوم، وا

الالة منانة اجي تكوني بنتي، وندير ليك حمالة من الخوخ والرمانة
الالة منانة اجي تكوني بنتي، والساقية تسقينا والواد ما يدينا
الالة منانة اجي تكوني بنتي، وندير ليك حمالة من الخوخ والرمانة
الالة منانة اجي تكوني بنتي، نايدوا المدونة ونعيشوا جميع في الهني

شانك على يا امي ويا اختي اوراها داوي حالي
عليك انا تهنت و اليوم راه ارتاح بالي
شحال تسنيت قبل والايم بدالة
هدا حقي وحق الاسرة عليه عوالة

الالة منانة اجي تكوني بنتي، وندير ليك حمالة من الخوخ والرمانة
الالة منانة اجي تكوني بنتي، والساقية تسقينا والواد ما يدينا
الالة منانة اجي تكوني بنتي، وندير ليك حمالة من الخوخ والرمانة
الالة منانة اجي تكوني بنتي، نايدوا المدونة ونعيشوا جميع في الهني

أ - ب - ت - ث

يالولاد الصغار لاتخرجوش الطريق،
هاد الكلام ليكوم هاد الكلام صديق،
من المدرسة نبدأو، فيها اليوم نلقاو،
العلم والسلم، التربية والتسامح، التنمية والاجتهاد
الشارع لا، تمى الطفل يتبلى،
سمع كلامي نكول ليك انا خوك اليوما،
دير بيه وقنع بيه خوتك لي فالحومة، اه بيه

*

ها حنى جينا بالتنمية نزيدو بيه القودام
ها حنى جينا نوض اشوف يا بني انسان

*

فتح باب المستقبل اوكون همة و شان،
كد بحالك بحال الفلاح ولا الفنان،
حنا ونتوما وغيرنا، نكثرو المحنة، نحيدوا سموم، نقصو الهموم، كلشي يتهنا ،

اشتتاتاتاتا اوليدات الحراثة
المعلم بوسكري طيب لي خبزي بكري
اشتتاتاتاتا اوليدات الحراثة
المعلم بوسكري قري لي ولدي بكري

يا دراري يا صغار عليكم العمدة نتوما تقراو بيكم لبلاد كتحداء،
نتوما حلم غدا، بيكم لبلاد تبتدا،
الفلاح يسقي يزرع يخليك معاه تعيش،
بحار بحياتو يغامر ويخليك معاه تعيش،
عندك هنايا شلة مثال ولدي عنداك طيش،
أ - ب - ت - ث

حل ودينك وسمع بالتربية نحاربو الجهل او كلشي ينوض بيدع
المدرسة تربى، الدار تربى
الزنقة تزيد تربى، خليك هنايا جنبي
لكلام الخاوي راه مشى، هاك من عندي العامر،
بعد على البلية، وعلى مصلحتك بقى ساهر،
انتا الساس والاصل، بيك لبلاد غادي تزدهر،
انتوما اولاد او بنات 2000 لل فوق،
كلشي كيشوف الخير، او حب بلادي غادي فالعروق،
عاهد المحنا راه مشى ويبيد الحنة كلشي يدوق،

اشتتاتاتاتا اوليدات الحراثة
المعلم بوسكري طيب لي خبزي بكري
اشتتاتاتاتا اوليدات الحراثة
المعلم بوسكري قري لي ولدي بكري

ولـدك محتاج * اـتـكـون لو تـاج
وـالعـلم الغـالي * رـمـز لـيـه شـانـو عـالي
أ - ب * ت - ث
حـروف الـهـجـاء * بـهـم بـديـت عـلامـي

اشـتـتـاتـاتـا اولـيـدات الحـرائـة
المـعـلم بـوسـكـري طـيـب لـي خـبـزي بـكـري
اشـتـتـاتـاتـا اولـيـدات الحـرائـة
المـعـلم بـوسـكـري قـري لـي وـلـدي بـكـري

الموري ف 12

حرف يجز حرف، وهاك كلام واضح،
الموري ف 12 والحق بان واضح،
غادي تالف الشاب غادي تالف،
الهموم عليه كثارو، يفكر غير ف الألف،
بغيتك كيف الميزان، وزن وعبر فعالك،
عقلك يوازن صحتك، والناس تدير بحالك،
خلي موريك ف 12 ولوقتك انت مالك،
صفي بين نفسك، وبينني وبين الناس،
تعيش حياتك هاني، بالليل يجيك النعاس،
ما عندك والو علاش تخاف، راك بنيتي الساس،
حل ودنيك مزيان اوكون ليا صاغي
دوق كلامي مزيان مصلحتك انا باغي
باغي الموري ف 12، أو واقف على الصح،
باغي القلب على القلب، ونعيشو غير فالفرح،
نبدو على الغدر والبلية والضر، نشدو فيد الحنة ولسان واحد يهضر،

حياتي باينة
كن بين وبين
والساعة راهاباينة
حياتي باينة
كن بين وبين
والساعة راهاباينة

اوقف نشوفك كيف الموري كيف الموري ف12،
موزون مرزون معقود انسان واصل،
لعقل ثابت وسوار حياتك كلها انوار،
كون نصيح وفصيح او اكون ولد الاصل،
هي هي، انا ونتاجيا او غيرنا، هي هي، من الصفحة القديمة تهنا،
فوت طريق الأشواك،
مسح فمك بالسواك،
قول الموري ف 12،
حياتك صافية وعلاش، ما تكونش ديما هاكدا،
حسن ديما ففعالك،
نقي نفسك وحالك،
تبع طريق الصح، باش بزاف يديرو بحالك،
هاني سردت كلامي، سمع من عندي ياغالي،
المعنى كل باين، اوكون خويا مثالي،
غير الموري ف12 ولا حيد بلاش،
الوجه مكانة تسرسر، او نوض من الفراش،
ما تكثر ما تقتل ما تديرها ف16،

حياتي باينة
كن بين وبين
والساعة راهاباينة
ف 12 الموري كاينا
السوقت هايمة
حياتي باينة
كن بين وبين
والساعة راهاباينة

شوف بشوفة الناس *** وعرف لي يواتيك وخود غير القياس
او كون معقول او هو واو OHOWOW

باش تعرف علاش *** خاص يكون عندك الموري ف 12
تطيش بلاش او هو واو OHOWOW

ب قرايا ورياضة ولعب وضحك وحنان *** حب ودين وخدمة تكون انسان
OHOWOW

سمع او فهم الكلام راك فميزان
عنداك تميل والعربون بيان OHOWOW OHOWOW

حياتي باينة
كن بين وبين
والساعة راهاباينة
ف 12 الموري كاينا
السوقت هايمة
حياتي باينة
كن بين وبين
والساعة راهاباينة

الصوكان بالمقلوب

نار شاعلة فقلوب، بطيش عقل عاكر،
ما فكر ما خمم فخوه انسان حاگر،
شحال من زرقة وخضرة اليوم جبدتي،
تلفتي بيها العقول ف الطمع راك طغيتي،
صگتي بيد المحنة واليوم سديتي بابك،
بلادي ميغاتش بحالك ولا مثالك،
رد بالك مزيان، فاوراقك راك معشوش،
بيرميك مندوس من الرحمة راك مهزوز،
هي وعي ناسك كبر دماغك، نقص من العيوب لي فيك وهي سبابك،
يد الحنة صاحت او قالت راك رزيتي،
الولية فقلبها حرقتي، ولدها قتلتني،
ناس فالكنايز تجذب وانتا فرحان،
ما تعطي وما ترشي اسمع يا افلان،
الطايح كثر من النايض، وانتا يا هو سبابهم،
كلامنا وصلك، دير بيه ونقص عذابهم،

نطلبو من الله يكون لنا فalcوان	نيران شاعلة نيران
فين الروح اوفين الضمير يا انسان	نيران شاعلة نيران
نطلبو من الله يكون لنا فalcوان	نيران شاعلة نيران
فين الروح اوفين الضمير يا انسان	نيران شاعلة نيران

نار گدات گديان، شافت عيني فالطرقان، لي ما كان فالحسبان،
إنادين فالاديان راه يسمح لنا،
الروح عزيزة عند الله شففتي فين ولينا،
هدي طرقان خاسرة
ودارري ضاسرة
الحديد كايــــــــــــن
والبلية حاضرة
ناس زربانة بلا ضوء
فالطرقان مسافرة
الرشوة دخلات، وسوسات لعظم،
ابنادم حاظر، او ضارب عليها الطم،
ولادنا ماتو فالطرقان، واشنو المعمول،
يالي غادي على رجليه، سمعني اش كنعــــــــــــول،
صكتي بالمقلوب ما صفتي كلك ذنوب، بلفلوس خبيتي لعيوب،
والنار كديتي فقلوب، هي.. او باقي ضاحك،
وعى وعيق، كون شفيق، باركة من الدم يريق،
بيد الحنة فيق راك مهموم،
خليتي ناس تبيكي وتنوح وعليك تنزل اللوم،

نطلبو من الله يكون لنا فalcوان	نيران شاعلة نيران
فين الروح اوفين الضمير يا انسان	نيران شاعلة نيران
نطلبو من الله يكون لنا فalcوان	نيران شاعلة نيران
فين الروح اوفين الضمير يا انسان	نيران شاعلة نيران

صغتي بالمقلوب او مشيتي **** ما خممتي ما فكرتي،
هلكتي الروح ،وعطيتي رشيتي **** ملي وقفتي راه دورتي،
خارقتي وخالفتي القانون الاوراق شريتي **** خربقتي وزربقتي فالحرام والله نسييتي،
صغتي بالمقلوب او مشيتي **** ما خممتي ما فكرتي،
هلكتي الروح ،وعطيتي رشيتي **** ملي وقفتي راه دورتي،
خارقتي وخالفتي القانون الاوراق شريتي **** خربقتي وزربقتي فالحرام والله نسييتي،

لا لا لا / الكسايد و الحوادث نقولو
ايه، ايه / لتوعية ورد البال

لا لا لا / الصوگان بالمقلوب نبدلو
ايه ايه / بالسلامة نبدلو الفعال

لا لا لا / الكسايد و الحوادث نقولو
ايه، ايه / لتوعية ورد البال

لا لا لا / الصوگان بالمقلوب نبدلو
ايه ايه / بالسلامة نبدلو الفعال

نطلبو من الله يكون لنا فالعوان	نيران شاعلة نيران
فين الروح اوفين الضمير يا انسان	نيران شاعلة نيران
نطلبو من الله يكون لنا فالعوان	نيران شاعلة نيران
فين الروح اوفين الضمير يا انسان	نيران شاعلة نيران

نيران شاعلة نيران
نيران شاعلة نيران
نيران شاعلة نيران
نيران شاعلة نيران

موگادور

الله..موگادور... الحافظ الله... و السندير

الله الله مولانا **** موگادور حدانا

الحافظ الله مولانا **** السندير حرك هوانا

سلام الله عليك يا من نعمني،
انا فمراكش وانتا فالصويرة محني،
اسمعتك وتبعتك ها كلامك مغني،
هادي نعمة من نغاييم البلاد نوض تغني،
تقليدي راب هو، ما ساهلا علينا،
شحال بنينا، وشحال هدينا،
باش نوصلو لهاد النعمة، وشحال كدينا،
دير التاويل اخويا وحس بلي فينا،
الناس لي سبقونا تصنتوا وقالو،
مدينة الصويرة عليها كنغيرو،
ياموگادور بالي طالة على البحر،
السندير لگناوي بيك كايهضر،
شحال كتضوي فمجمع الحباب،
گاع المدون مفتوح ليها داك الباب،
دخل وقول باسم الله لا حيرة،
فجو الحباب والصحاب لا الليلة،

الله الله مولانا **** موگادور حدانا

الحافظ الله مولانا **** السندير حرك هوانا

من مراكش شاي الله اسبعة رجال،
لموگادور مدينة لالا عيشة،
موسيقا گناوة بها القلوب مهيجة،
بالتاويل گناوة تغني وتقول، اسمع السندير وشم ريحة البخور،
ليلة واحدة كافيا تفاجي قلب المقهور،
اجي معايا زور هادي موگادور،
مدينة الهنا مدينة الراحة جوج تلبحور،
طريق اكاير قبل ماتوصل دور،
تما كايئة مدينة العرعار او بلفور،
من موگادور القصبه لباب دكالة الملاح او ما ننساوش الصقالة،
اجي دبا نعاود ليك على السندير،
ثلاثة الوثرات النعمة فيها تحير،
شحال قدني ما نعاود ليك عندي كثير،
مع تقليدي راب تسمع نعمة من الحرير،

الله الله مولانا **** موگادور حدانا

الحافظ الله مولانا **** السندير حرك هوانا

نقسم بالله فحياتي، ولي داز داز،
والأيام الزينة سعدو لي فاز فاز،

وياه جالگناوي داوي،
نوض اخويا هيچ الليالي،
بلغور او لبخور مبشور،
قاصد موگادور نزور،
نقسم بالله فحياتي، ولي داز داز،
والأيام الزينة سعد، ولي فاز فاز،
وياه جالگناوي داوي،
نوض اخويا هيچ الليالي،
بلغور او لبخور مبشور،
قاصد موگادور نزور،
يا السامعين هون من موگادور،
مجمر البخور بيه انا كاندور،
فالدروبا فالزناقي، جايل كنزور،

السلام عليكم اخويا
بكلام الشرفه ابويا
كيف وصلنا كاملين
گاع گناوة سالمين

اسلام
وتكلم
واش وصل الكلام
هزو لعلام

وايا يا يا أي

وايا يا يا أي

الله الله مولانا *** موگادور حدانا
الحافظ الله مولانا *** السنثير حرك هوانا

غير المغرب هذا

جيت نسول فيكم (فيكم)، كلامي ليكم (ليكم)،
خمسة تناس بكلمة الحق غناو ليكم،
فكر بدماغك عادي، بلادك هي هادي،
نشوفو شوفة وحدة ولونك يبقى عادي،
كاع اللي وحل وتلف يقول غير المغرب هذا،
اسيدي اش كتقول هادشي ماهو هذا،
نوضو حميو الطرح، هادي واحد الهانة،
مرحبا والى مرحبا، عندي انا،
زيد دخل اخويا، ها حنا كلنا حذاك،
غير بشوية وتكاييس، كلشي يتفاهم معاك،
*

لهيه الوقت وصلات وحنا سايرة معانا
زيد فالصبر ونوض كمل معانا
*

المستقبل باين، والافضل ممكن يتحقق،
هذا جهدنا جميع، من يديا ما تطلق،
بالمهل كيتكال باداز كيف كلنا حنايا،
بيد الحنة جميع، نكملو هاد الغاية،

أوش هاد العجب هذا ولف عادة ترك عادة
كاع اللي وحل وتلف يقول غير المغرب هذا

قطعت جبال وسهول وبحور بكلامي ناوي،
نبدل عقلية وقلوب، انا ناوي نداوي،
كلمة تقالت قبلنا بها اومضمونها خاوي،

*

هدا غير المغرب واش ما ناويش تنفعو
هنايا حسن من لهيها حاولو تفهمو
*

كون نافع، خلي بلادك منك تتنفع،
هنايا ولا لهيها، كيف الشمس نورك يسطع،
واش هاد العجب،
لي عطاءه الله يقول اعطاني دراعي،
قاتلو لعكز ما بغا يخدم مبغا يكون واعى،
كاع اللي فرط يكول غير المغرب هدا،
خويا كلامي ليك فهمني ودي الإفادة،
خصك تكون كيف الفاس تحفر ما تزكا،
عنداك بيردو كتافك توحد ما تقدر تبدأ،
شوف معايا داك اوداك اوشوف هدا،
من الغربية جاي قال غير المغرب هدا،
فيه نرتاح كيف العادة،

أواش هاد العجب هدا ولف عادة ترك عادة
كاع اللي وحل وتلف يقول غير المغرب هذا

من واحد الوقت او حنا غير كنسمعو،
لكلام الناس وسوسنا بلا مانقتنعو،
قالو فيلا دي وبلادك غير المغرب هدا،
بيني وبينك هاد الموضوع اليوم تقادا،
اللي خدم بيان فيلاو شان وهمة،
ولي نعس يزيد لغطا، وبيات تما،
خويا زعم لسانك وقول كلمة،
يد الحنة ماشي غير جات وقالت بداو، ياو،

نديرو القيمة والله معانا
هنا في بلا دي اوفينما كنت انا
نحيدو كلمة غير المغرب هدا
نوحديو كلمة مغربي انا

أواش هاد العجب هدا ولف عادة ترك عادة
كاع اللي وحل وتلف يقول غير المغرب هذا

أواش هاد العجب هدا ولف عادة ترك عادة
كاع اللي وحل وتلف يقول غير المغرب هذا

VIH

VIH عـلاش وكيفـاش

ستاني من دون الناس،، من دون الناس VIH

VIH عـلاش وكيفـاش

ستاني من دون الناس،، من دون الناس VIH

الدمعة طاحت من العين ياربي جود علينا،
ناس ضاعت ونسات خير الرحمان علينا،
مرض اليوم صعب ما يخليش بنادم عاقل،
دير نفسك اخويا اوكون دري عاقل،
فكر مزيان قبل ما تقول الدنيا هانية،
راك تضيع وتصيع، تولي حياتك فانية،
ما انت من هنا، ما انتا من لهيه خويا معذب،
المعنى ديالها ضعتي ليوما ولد بويا،
حنايا خوت فالاسلام من حقي ليوما ننصحك،
تصنت مزيان اوما تقول راني مصدعك،
سبحانك ياربي، صحابي ليوما كلشي واعي،
عارفين لخايب من المزيان، غير نزيد نوعي،
حنايا كاملين شباب وعارفين لي كاين،
غير نبعدو على لي يسبب البلى وكلشي باين،
ماشي تجيك بالجنس، اخويا غير بوحدو،
كاينين بزاف تلحوايج ياربي اليوما حفظو،
فناير قالت الكلام لي عندها كولو اليوما،
عليك انتايا تكمل، تحيد عليك اللوما،
البكى موري الميت خسارة، فهم مني المقصود،
فهم مني لي بغيت نقول وياك تمشي مخضوض،

VIH عـلاش وكيفـاش

ستاني من دون الناس،، من دون الناس VIH

VIH عـلاش وكيفـاش

ستاني من دون الناس،، من دون الناس VIH

كلمة حسن من جوج،
العين تدمع والقلب يوجع،
حبس باركاش كتدير رجع،
مرض اليوم يخلع، فقلوب الناس الخوف تطبع،
لي عضو الحنش يولي يخاف من الحبل،
يخاف نهار يصبح مريض يوحل،
مرض السيدا شحال صعب،
دير فبالك المرض قريب،
صحتك هي كنزك،
الوقاية احسن من العلاج،
خدم عقلك ينفعك،
براكا فيق من النعاس،
خلي عينيك تشوف النور،
حاول تعيق بالدنيا، قبل ما تعيش تحت رجليها مـدور،
راه الدنيا دوارة على الراس الغافل نفور،
لگاع لي مراض فهاد الدنيا بغيت نكول، الامل مزال كاين،
الامل في الله كبير ونور الشمس يصبح باين،

لغاع الأطباء لي فالدنيا بغيت نغول،
داويو لي مراض، نقتلو جميع هاد الغول،
لغاع الناس الميسورة فالدنيا بغيت نغول،
عاونو خوتكم بالفلوس، فيهم لي مقهور،
كحل ولا بيض وخا يكون بينك وبينو بحور،
عاون خوك الانسان، بني لراسك فالجنة قصور،
غاية الكلام هي هادي، يا والمقصود راه باين ،

VIIH عـلاش وكيفـاش
VIIH ستاتي من دون الناس،، من دون الناس
VIIH عـلاش وكيفـاش
VIIH ستاتي من دون الناس،، من دون الناس

La lutte contre le sida
ليوما انا وانتا نعيشوا فالهنا... حارب داء السيدا،
الوقاية خير من العلاج... خويا أختي ديرها فوق راسك تاج،
La lutte contre le sida
que guérir Mieux vous prévenir يا انسان ليوم
حارب داء السيدا
que guérir Mieux vous prévenir يا انسان ليوم

VIIH عـلاش وكيفـاش
VIIH ستاتي من دون الناس،، من دون الناس
VIIH عـلاش وكيفـاش
VIIH ستاتي من دون الناس،، من دون الناس

لغاع الناس لي يسمعو **VIIH** اليوما ردوا بالكم لنفسكم ووقيوها
حينت الوقاية حسن من العلاج
ما عمر الانسان اختار المرض وما عمر المرض اختار الانسان
انما هو مكتوب الله، وربح من وقا نفسو،
حينت الوقاية حسن من العلاج
